

**ALLYN IKAYUUTIKHAT TIMINGAT
BOOTH KUUGAQ HAVAARIYAIT
ANGAYUQQAAT TITIRAKAFFUKHIMAYUT**

Allyn Ikayuutikhat Timingat Kanataup ihivriugtunut timigiyaat havaarviqahutik Yellowknife-mi, Nunattiarni talvalu Vancouveri, B.C. min.

Tamna timiat 159 000 ilutuyuarnin uyarakhinut tigumiaqtaan talvani Booth Kuunga ilangani, Nunavunmi. Nunaqarnirarniq ittuq 520 ngm ungahiqatuuq tunuani kivataani Yellowknife-ni, N.T. talvalu 65 nik 100 ngm qanirutilik pinganaani Qingaup, Nunavunmi. Tapkuat nunaqarnirarnit tapkuat BRS 1-51, NARN 1-7, talvalu ROSCOE 1-15 mit. Hapkuat ittut nunauyap titiqaani 76 K / 3,4,5,6,7,11 uvalu 14mi.

Allyn Ikayuutikhat Timingat hivunikhaqhiuqhimmaarumayut uyaqqanit kannguyanit tahapkuallu havingnit qaanganiittunit.

Tapkuat uyarakhinutut havaariyain ilaulugit iglukhanin atukaffurlugit tupiqarvikhanin inimin; qauyihaiyit nunap iluani, qaanganutpauhiayaakhanit qanurlu iliturivallialugit nunauyap talvalu qibliqtut uyaqqat ikuutaqtunut havagvigiyakhaat. Halikaaptanik aturlutik agyarutikhamingnit ihuarutainik talvunga nunamut tahapkuallu agyarlugit ingilrutinik uvalu ikuutanik ihuarutainik.

2005 Tukhiun Uyarakhiurnikkut Havaariyaat

Humunngauvalliaayakhaat Ingilraan

Nunanik hanaqiyukhanit pilihaarnian May-mi talvuuna iniqiturlutik Saptaimba, 2005 mut. Uyarakhinutqhimmaqtukhanillu havaariyaat tahamna ikayuutigilugit havaarniq.

Havaqatigiit

Tapkuat uyarakhiurnikkut havaariyaat havaqatiqarniaqtut 6 nigluuniit 12 nigluuniit havaktukhanin. Tapkuat ilaulutik qauyihaiyin uyarakhinut, uyarakhinut, naunaiqhahiillu, qibliqtunik uyarakhinut, igayi, tupiqpaqarviup havaqataa uvalu halikaaptaliqiyuq.

Tupiqpaqarviup Hanaqiviat

Qanilrukkun tupiqarvikhaminik hivunikhaqhiuqtaaqhimayuuq. Tahamna tupiqpaqarvikhaq inaa qanigiyaahiq inani BRS 44 mi havingnit ittuq 66° 19' N, 109° 15' W, nunauyap makpirnirani 76 K / 6.

Tupqiit arviniliit hivuniarlutik. Tahapkuat tupiit hanayauniaqtut qiuvalungnit qanaitkaluarlutik talvalu piqarniaqtut igavikhaqarluni, uqhiviqarluni, titiraqarviqarlunilu talvattauq pingahut inikhat tupiit Atauhirnik anariaqtuqarluni talvalu qiuk alruyaqturlukhaq itukhaq hanayauniaqturlu. Alruyaqtutukhat tupiqarviup ikayuutiqarniaqtut ingniqutilingmik uqhuqtuqtumik ingilrunmik.

Qirngayuuq imaq igavingmit uvalu paniumayullu kuviiviqarniat inianut talvalu atuqtauffaaqtukhaq pilugit. Tamaita innuup aturairaangat ikulaniat.

Tupiqarviup imautaa milukaqqattauniaqtuuq tahirnut talvalu iluqpingmiiluuni qattaryungmi illuni paniumayumik. Tamna imaq halummaqattaqtauluni qayagilutiglu piniaqtait ilalugit kumaiyainingnut atuqtaunahualiraangumik.

Uqhuryuat

Halikaaptaup uqhuryuangat, uumaqqut uqhuryuat uvalu kaasaliit tutquumaniaat tupiqpaqarvingmi. Tamaat uqhuit tutquumayut iluani 205 I haviit qattaryuanit, talvalu tutquumayut angirutainit Nunap Atuqtunganit Maligalianganit. Tapkuat uqhuryuap

qattaryuanin ihivriuqattaqtait ubluq tamaan, uvalu uqhuryuan kuhiqtukhaiyamingnik munariyut kuhiqtuqaraangat aalamut imiqpagait milukaunut atuqhutik. Ingniquitiup uqhuryuanga atuqtauvaktuq ingniqutilingnut ingniqutaanut uvalu uumaqutigivlutiuk tupiqmi. Kasaliilu atuqtauvaktut imap milukautaanut. Immalaiyalingmik kalikun atukhugit ikulayup qattaryuup, uvalu ingniqutiup uqhuryuanga. Uqhuryuap kuviihimayuq ingilrutainik ikayuutimik iinarniaqtuq tupiqarvingmi. Imaa uqhuryuap kuviqtaiyakhaanik uqaqtauniaqtut talvunga naunaiyaihmut munaqtiuyum inaanut. Imaittut uqhuryuap qattaryungita Yellowknife-mungautilugit tingmiakkut tingmiaq tikittaraangat.

Halikaaptaup Ihuarutaa

Tamna halikaapta ayaqattautikhaq havaktukhanut uvalu nuuqattarlugit ihuarutainit.

Nunap Tunngaviyakha Naunaiqhahiin Ihivriutut

Inuit hitamauniaqtut iniqtirumigit qauyihaiyaiit uyarakhiuqtunut ihivriutut migyunik ilangat ihivriuqtaarahuaninit. Tamna havaariyauniaqtuq malrunnik Satiinik iniqtirnahuarlugit.

Havaktut talvaniillutik uyarakhiurvingmi tupiqpaqarvianit, uvalu aullaqattarlutik ihivriurvinganut ilanga halikaaptakkut.

Qauyihaiyit Piliriarutikhat

Hitamat uyarakhiuqtiit iniqtiriniaqtait uyarakhiurnikkut nunauyanik havaariyait. Tamna havaktuq 30 nik ublunik iniqtitinahuaruiaqtuq. Tapkuat uyarakhiuqtiit havaktut nuuqattarniaqtut halikaaptakkut.

Qibliqtunit Ikuutaqtut Piliriarutikhat

Quliit inuit havaktukhat talvuuna iqatauyukhat. Tapkuat ikuutaqtukhat talimat inuit. Uyarakhiurniq, halikaapta tahapkuallu ikayuqtukhat havaktut ikuutaqtigut havaariyakhaanut. Tamna qibliqtunik uyaqqat ikuurutiningmut nuuniaqtutilanganut ihuaqtumut tingmiakkut, uvalu nuutauniat ikuutaqtakhamingnut halikaaptakkut Ikuutaqtukhamik tahirnut tuhaqhaunngittut. Ikuutakkut hiqubluilutaat milukaqtaunahuat milukarvingnut immap ahianganut, ikuutaqvinianganillu ilanganit Tamaita ikuutarviuyut iningat halummaqtauvangniaqtut ubluq tamaat. Ikuugviuyaraangat tamayait tahapkuallu iqqakuun angivaqtauvaktut.

Uqhuryuanit Havaktut

Tamaat uqhuryuat kuviihiamyut halummaqtauvaktut qilaminnuaq, titiraqhugit tutquqhugit ukununga munaqtiyiinut angayuqqaanut.

Tamarniit uqhuryuat tutquumavut tupiqpaqarvingmi. Taipkuat uqhuryuat aturluaqtait iniqtiriunit ikuutaqtunut uvalu nuutiriyut ikuutat ihuarutainik, tutquumayut tamayaqarvinit inanit.

Immalaiyautit atuqtauvangniat avataani ingniqutinut uvalu angamahimayumik uqhuryuam qattaryunganit.

Uqhuryuat qattaryuanit ihivriuqtauvangniat ubluq tamaan kuviihimayunik amiriqattarlugit. Taipkuat maqiihimayut qattaryuit himmauniaqtait.

Havaariyait Umiktiqtut

Tamaat uyarakhiutut qibliqtunik inait halummaqtauvaktut ubluq tamaat, pivlutik kingullirivlutigik halummaqtivagaat ikuutaqhugu iniqtiqhugilu ingilrutinik piiyaqattaqhugit. Havaaq tamna uyarakhiuqtun havaariyaat atuqtaunngitpat, tamaat ingilrutiin, tupiqpaqarviit ihuarutain uvalu tamayaillu tahapkuallu iqqakuun ahivaqtaunian tupiqarviup inianik.